

**De praeservandis morbis pulmonum tam communibus, quam propriis ... / disputabit Frider. Godofred. Hermann. Lucanus.**

### **Contributors**

Lucanus, Friedrich Gottfried Hermann.  
Büchner, Andreas Elias, 1701-1769.  
Universität Halle-Wittenberg.

### **Publication/Creation**

Halae Magdeburgicae : Typis Joannis Christiani Hendelii, [1749]

### **Persistent URL**

<https://wellcomecollection.org/works/patjhe8d>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>



DE  
PRAESERVANDIS  
MORBIS PVLMONVM  
TAM  
COMMVNIBVS, QVAM PROPRIIS,

---

DIVINI NVMINIS AVSPICIIIS  
ET  
GRATIOSI MEDICORVM ORDINIS CONSENSV  
P R A E S I D E

D. ANDREA ELIA BÜCHNERO

SACRI ROMANI IMPERII NOBILI,  
POTENTISSIMO PRVSSIAE REGI A CONSILIIS INTIMIS  
MEDICINAE ET PHILOSOPHIAE NATVRALIS PROFESS. PVBL. ORDINARI  
IMPERIALIS ACADEM. NATVR. CVRIOSOR. PRAESIDE  
ET COMITE PALAT. CAESAREO,

PRO GRADV DOCTORIS  
SVMMISQVE IN MEDICINA HONORIBVS ET PRIVILEGIIS  
DOCTORALIBVS LEGITIME IMPETRANDIS,

D. VIII. DECEMBR. A. S. R. MDCCCXLIX.

H. L. Q. C.

IN REGIA FRIDERICIANA

DISPVTABIT

FRIDER. GODOFRED. HERMANN. LVCANVS

MAGDEBVRGENSIS.

---

HALAE MAGDEBVRGICAE,  
TYPIS IOANNIS CHRISTIANI HENDELII, ACAD. TYPOGR.



DE  
PRAESTERVAANDIS

MORBIS PALLIUM

COMMITTIBVS QVAM PROPRIIS

DE PRAESTERVAANDIS

ET  
GRATIA ANTIQVARI ORATIONIS CONSERVANDIS

PRAESIDE

D. ALEXANDER ELLA BACHMANN

DE PRAESTERVAANDIS

POTESTATIBVS PRAESIDE REGIA A CONSILII IN  
MEDICINA ET PHILOSOPHIA NATVRALES PROPOSITIS  
IN PRAESIDIIS NATVRALES PROPOSITIS  
IN PRAESIDIIS NATVRALES PROPOSITIS

PRO GRAVIBVS DOCTORIBVS

STIMULANTIBVS IN MEDICINA HONORIBVS ET  
DOCTORIBVS LEGITIME IN PRAESIDIIS  
DOCTORIBVS LEGITIME IN PRAESIDIIS

IN REGIA UNIVERSITATE

FRIDER. GODFRED. HERMANN. LYCANI

NATALI MAGDEBURGENSIS

ANNO DOMINI CHRISTIANI MDCCLXXXII. A. D. 1782



V I R O

*ILLVSTRI, SVMMÆ REVERENDO*

*ATQVE DOCTISSIMO*

D O M I N O

AVGVSTO FRIDERICO  
WILHELMO SACK,

POTENTISSIMO PRVSSIAE REGI A CONC

NIBVS AVLICIS, SVPREMI CONSISTORII CONSILIARIO

SENATVS ECCLESIASTICI ADSESSORI ET REGI

ACADEMIAE SCIENTIARVM SODALI,



*FAVTORI AC PATRONO SVO*

SVMMA PIETATE ET OBSERVANTIA COLENDO,  
*HANCCE DISSERTATIONEM INAUGVRALEM*

IN

TESSERAM GRATAE AC DEVINCTAE MENTIS

PRO

TOT TANTISQUE BENEFICIIS IN SE COLLATIS

D. D. D.

AVCTOR RESPONDENS.





DISSERTATIO INAUGVRALIS MEDICA  
DE  
PRAESERVANDIS  
**MORBIS PVLMONVM**  
TAM COMMVNIBVS, QVAM PROPRIIS.

---

PROOEMIUM.



Quamquam singulae corporis humani partes, potissimum internae, seu viscera, variis perquam facile laedantur, immo destruantur, malis, indeque ingens non solum variorum morborum copia, sed & ipsa demum mors emergat & accelere-  
tur; frequentioribus tamen & numerosio-  
ribus



ribus eiusmodi laesionibus inprimis illa exposita communiter deprehenduntur viscera, quorum substantia & textura tene-rior est, aut quae etiam ob actionem suam externis quibusvis facilius patent iniuriis. Hae ergo conditiones cum potissimum occurrant in *pulmonibus*, mirari sane non licet, qui fiat, ut summe necessarium & utilissimum hocce vitale organum compluribus non solum *communibus*, sed & *propriis*, prae omnibus fere reliquis, adfligatur *morbis*. Sunt enim illi substantiae rario-  
ris atque mollioris, membranaceo-cellu-  
losae & vasculosae, ob quam in corpore sano in perpetuo motu constrictorio & di-  
latatorio constituti sunt, qui efficit, ut re-  
spirationis non solum negotium rite suc-  
cedat, sed & sanguis attenuetur, & inti-  
mius cum admixta lymphâ commisceatur. Hinc ob ingentem illam copiam & tene-  
ritudinem vasorum, praesente inprimis  
plethora ac spissitudine sanguinis, varia sa-  
tis gravia facile emergere possunt impedi-  
menta, liberum eiusdem transitum per  
eosdem turbantia, motumque recipro-  
cum



cum expansorium & constrictorium, cum fanitatis detrimento vitaeque periculo, vel accelerantia, vel infringentia. Eveniunt exinde ibidem congestiones, haemorrhagicae perruptiones & extravasationes, stagnationes, stases, & ulcerosae corruptiones, sique lymphæ acrior depravata accedit, decubitus humorum feroforum in pulmonibus, quæ, ut complurium aliorum morborum causæ, ad speciales quoque pulmonum affectus viam pandunt, qui alias etiam facillime per numerosas externas occasiones ingruunt, quæ, siue neglectu, siue auctiori impetu invalescentes, gravioribus etiam & vix tandem superandis aliis non aliter viam sternunt, quam sicuti e parva scintilla grande sævumque oritur incendium, tuncque tales, actis diuturniore mora radicibus, vix ullam plerumque spem veræ restitutionis in integrum relinquunt, immo quandoque medicationibus facilius in deterius, quam in melius, progrediuntur.

Permagni igitur omnino interest totius



tius nostrae oeconomiae animalis, *pulmones* fartos tectosque conservari, ac omnis generis morbos, tum quos cum aliis visceribus *communes* habent, tum iisdem plane *proprios* & ipsorum functionem directe laedentes, tempestive arceri & praecaveri, quoniam utplurimum ingruentes tales, aut e longinquo metuendi, facilius averti possunt, quam praesentes profligari. Methodum hinc & rationem, qua cominodissime id fieri queat, in praesente specimine inaugurali, quantum quidem vires permittunt exiguae, ostendere mecum constitui. Faxit divina clementia, ut qualescunque hi conatus in Nominis sui gloriam proximique emolumentum cedant feliciter.







SECTIO PRIOR  
de  
*praeservandis morbis pulmonum  
communibus.*

§. I.



**P**er *morbos pulmonum communes* tales intelligo, qui ex iisdem causis in aliis quoque partibus & visceribus corporis nostri prognasci & induci possunt, quosque tali respectu his ipsis pariter familiares esse deprehendimus, uti pulmonibus, & tales inprimis sunt inflammatorii, haemorrhagici & ulcerosi morbi, seu, prout seorsim, si pulmones adfligunt, vocari solent, *peripnevmonia*, *haemoptysis*, *vornica* & *phtbisis*.

§. II.

*Peripnevmonia* est febris acuta continua, cum inflammatione substantiae pulmonum cellulosae, doloribus lancinantibus & punctoriis, respiratione dif-

B

ficili,



ficili, tussi & expectoratione sanguineo-purulenta coniuncta. Minutissima ergo vascula praedictae cellulosae substantiae, dum sedem huius inflammationis constituunt, atque ob summam diametri angustiam facile obstrui possunt, sufficienter indicant, minime rarum existere posse hunc affectum, confirmante etiam id ipsum experientia, utpote quae saepius eundem epidemice quasi grassari docuit.

§. III.

Sicuti vero nullam medelam suscipere potest Medicus, nisi caussarum, quae morbos excitarunt, prius accuratam habeat cognitionem, nobis quoque incumbit, ut prius causas huius adfectus eruamus, quarum tempestiva remotione, aut sedula evitacione, morbus hic praecaveri potest. Proximam ergo causam constituit impeditus liber sanguinis progressus per vascula illa tenerrima, eiusque plenaria in iis facta stasis, ob quam maior & impetuosior ad reliquos canales contingit regurgitatio & promotio, quae febrem ipsam tandem inducit. Hac igitur causa iam praesente, Medicus peripnevmoniam in totum praecavere non potest, sed modo ulteriorem progressum staseos inflammatoriae sedulo inhibere, ac magis aequalem & placidum sanguinis circulum restituere studeat, id quod optime impetrare valet V. Sne, primo, vel ad summum secundo die largius instituenda, vel etiam, urgente necessitate, iteranda. Secetur vero, si periculum urget, in brachio, ob maiorem viciniam cum pulmonibus & citius faciliusque impetrandam tam derivationem, quam



quam depletionem. Nimia vero copia sanguinis minime detrahatur, alias ob defectum eius, qui ob febrem coniunctam mox non restaurari potest, discussio staseos inflammatoriae magis impeditur, quam promovetur. Reliqua dein observanda ad curatoriam spectant medendi methodum, quam in praesentiarum exponere haud lubet.

§. IV.

Principaliores ergo nunc causas, statim inflammatoriam inducere valentes, modumque easdem avertendi iam ponderaturo, statim illa universalis & maxime frequens occurrit, *aër nimirum eiusque constitutio frigidior ac simul humida*. Frigus enim dum constringendo, ac humida tempestas nimium relaxando, contrarium exserunt effectum, inordinatum hinc sanguinis circulum reddunt, & tum spissitudinem, tum stases eiusdem tanto magis accelerant, omnium maxime in iis, qui iam debilitate pulmonum laborant, aut antea iam aliis pectoris adfectibus laborarunt. Tales igitur hancce aëris intemperiem & maxime auram septentrionalem, ceu infensissimam, sedulo evitent, omniumque maxime sibi caveant, ne ex loco calido subito in frigidum, itemque ex frigido subito in calidum transeant, sicque repentinis hisce mutationibus graviores circuli humorum turbationes sibi concilient. Recte hinc perhibet DODONAEVS, *Observ. med. Cap. 21.* quod in Peripnevmonia populariter grassante multum profuerit focus ex quernis lignis, qui aërem in cubiculis ac coenaculis exsiccarit, ac temperatiorem



& puriorem reddiderit. Victus etiam tali sub tempestate sit magis tenuis, mollis & evpeptus, evitanda omnia sanguinem magis inspissantia. In specie vero potus tunc sit dilutus, ex parte magis calidus, aut saltem temperatus & non nimium frigidus, omnisque proscribatur abusus cerevisiarum crassiorum, magis lupulatarum, itemque vinorum austerorum, & maxime spirituosorum qualiumcunque, utpote quae ob coagulationem maiorem, quam humoribus inducere solent, omnium maxime, ad instar venenorum, sunt fugienda.

§. V.

Proinde quoque ulterius, ad inducendam stasim sanguineam in pulmonibus, tanquam antecedentes causae referri debent, *animi pathemata graviora*, inprimis *ira* ac *terror*. Sub *iracundiae* affectu partes nerveo-musculosae satis vehementer spastice constringuntur & sanguis impetuosius ab interioribus versus peripheriam urgetur. Duplicem hinc effectum, nempe constrictorium atque resolutorium, simul exserit, & cum pulmones texturae membranaceo-vasculosae & nervosae sint, hinc & eodem modo tunc adficiuntur. *Terror* vero subitam inducit constrictionem omnium partium externarum, sub qua sanguis a peripheria ad centrum subito transfertur, omnesque se- & excretiones, inprimis transpiratio & haemorrhagiae, prorsus supprimuntur, unde facile liquet, quod graves abinde congestiones humorum, itemque regurgitationes, stagnationes ac stases, speciatim quoque circa pulmones,



mones, induci queant. Sedulo igitur evitandae sunt tales animi commotiones, tanto magis sub aëris mutationibus gravioribus eiusque potissimum frigida constitutione. Quodsi vero admissae tamen & excitatae illae fuerint, tempestive exhibere convenit vel temperantia, praecipitantia & antispasmodica, subiunctis mitioribus laxantibus, vel blandiora resolventia, analeptica & potissimum diapnoica, humores iterum ad peripheriam invitantia & aequalem eorum distributionem adiuvantia, subiunctis simul frictionibus & regimine temperate calido, ut hac ratione suspectae & noxiae regurgitationes versus viscera, & speciatim pulmones, tempestive intercipientur.

## §. VI.

*Morbi exanthematici*, ut plurimum epidemice grassantes, semper coniunctum habent miasma quoddam malignum. Hinc ii, qui tales sustinuerunt & feliciter restituti fuerunt, communiter per aliquod tempus valde imbecilles manent, sique per congrua diapnoica & laxantia relictas forsitan impuritates tempestive remove haud student, simulque novos in regimine & diaeta committunt errores, tunc peccans talis materia membranaceis corporis partibus, & speciatim quoque interdum pulmonum substantiae, intimius se insinuat, ibique irritationes & constrictiones spasmodicas, humorum stases & inde emergentes inflammationes, excitare valet. Idcirco ergo ii praecipue, qui *variolis* aut *morbillis* laborarunt, sordes in primis viis supersti-



tes per mitiora laxantia, ut rhabarbarina, vel pilulas balsamicas, removere, aëri, inprimis frigidiori, non ita libere & praemature se exponere, & reliquias miasmatis, forsitan in M.S. adhuc haerentes, temperatis diaphoreticis plenarie eliminare debent, id quod optime impetratur, partim Essentiis, Vinetox. Pimpin. alb. Carlin. Angel. Scord. Card. ben. &c. partim Infusis theeformibus, ex rad. Chin. Cichor. Pimpin. alb. herb. Veron. Salv. Scabios. flor. Sambuc. lign. Sassafr. parandis, itemque pulveribus diapnoicis, vespertinis maxime horis exhibendis. Cum horum remediorum usu coniungatur diaeta mollis, fugiendo cibos crassiores, ac potulentia cerevisiaria & frigida, eorumque in locum per aliquod tempus substituendo ptisanam, ex rasur. C. C. rad. Scorzoner. Cichor. hordeo mundat. ac passulis minoribus paratam.

#### §. VII.

Quoniam etiam porro per experientiam abunde constat, quod peripnevmonia potissimum *hyemali tempore* ingruat, vel etiam recurrat, idcirco illi maxime, qui vel hoc adfectu iam iam laborarunt, vel ob alios antea perpeffos pectoris morbos relictam adhuc gerunt pulmonum imbecillitatem, ante omnia commendatum sibi habere debent moderatum corporis motum, sub blanda semper aëris temperie instituendum & sedulo continuandum. Hoc ipso enim non solum debita fluiditas sanguinis conservatur & aequalis semper eiusdem distributio per universum corporis ambitum adiu-



adiuvatur, sed & saluberrima inprimis illa excretio, quae per transpirationem fit, unacum diuresi, optime promovetur, sicque ablatis continuo hac ratione tum subtilioribus salino - sulphureis, tum crassioribus terrestribus & tartareis impuritatibus, M. S. ab omni dyscrasia & liberatur, & defenditur, ut tanto liberius per minima etiam quorumlibet viscerum vasa transire queat, eoque ipso stagnationum, alias facile contingentium, metus prorsus tollatur. Semper vero talis corporis motus sit moderatus, ad lenem usque transpirationem & aliqualem non adeo molestant fatigationem continuatus. Intensior enim sanguinem magis exagitat, atque ad eius ebullitiones, regurgitationes & congestiones occasionem praebet. Probe vero insuper observetur, ut post motum susceptum subiecta nunquam frigori se exponant, alias partes relaxatae subito constringuntur, humores resoluti coagulantur, ad interiora retroaguntur, & hinc inde stases subsequuntur. Praeterea etiam, cum talia subiecta plerumque simul plethorica sint, venaesectiones aequinoctiales non negligantur, & pro motu humorum progressivo in debito suo successu adiuvando, & conveniente illorum fluiditate conservanda, fugiantur cibi duri, crassi, concoctu difficiles, itemque usus vinosorum, spirituosorum, & saturatoris decocti fabarum Coffee, eiusque in locum potius substituantur infusa theeformia, ex mitioribus solventibus & diapnoicis paranda & frequentius in usum vocanda, inprimis cum omnia  
calida



calida potulenta, sub qualicunque ad hunc affectum dispositione, magis semper convenient, quam frigida.

§. VIII.

Ad alterum horum morborum nunc progredior, nempe *haemoptysin*, quae consistit in sanguinis sinceri, floridi atque spumantis, plus minusve copiosa reiectione per os, cum vel sine tussi facta.

§. IX.

Causam huius affectus proximam constituit laesio aut violenta dilatatio orificii extremi cuiusdam vasculi sanguinei, a cuius varia capacitate varium haemoptyseos periculum potissimum dependet. Si enim magnum illud fuerit, tunc maior sanguinis quantitas vehementiori plerumque impetu erumpit, brevique non raro temporis intervallo lethalem eiusmodi haemoptysis sortiri solet eventum. Si vero angustioris diametri sanguiferum vas apertum laesumque fuerit, tunc longiora communiter haemoptysis servat intervalla, & neque eximia copia, nec magno impetu sanguis protruditur, adeoque minus metuendum est periculi, maioremque restitutionis spem ordinarie concipere licet.

§. X.

Causa antecedens propinquior, laesionem aut dilatationem talem vasorum pulmonalium inducens, est congestio sanguinis impetuosior versus pulmones facta, sub qua venae eam sanguinis copiam non recipere & revehere possunt, quae per  
arte.



arteriam pulmonalem adfluere solet. Hinc minorum vasorum fit expansio, quae successive fundamenta subsequenter demum perruptionis eorum ponit. Quicquid igitur sanguinis motum progressivum intra vasa pulmonum gravius turbat, illud quoque ad haemoptysin excitandam conferre potest.

§. XI.

His succincte de aetiologia gravissimi huius affectus praemissis, ad *methodum praeservatoriam*, ceu principalem & optimam, progredimur. Praesente enim hoc affectu non nisi temperantibus & securis anodynis ac tonicis motus effrenes mitigari debent. Superato vero illo omni studio eo nitatur Medicus, ut recidivas praecaveat. Etenim si semel evenerit hic affectus, ob substantiae pulmonum laesionem sanguinis progressivus motus per eos facilius turbatur, ut idcirco ex levioribus etiam causis, & speciatim sub qualicunque impetuosiori eius commotione, promptius ille denuo repetere queat.

§. XII.

In talibus ergo subiectis, itemque iis, quae saltem ad eundem manifestius disposita videntur, Medicus eo quam maxime respiciat, ne nimia sanguinis copia accumuletur. Omnes hinc cibos, qui multum sanguinis producant, aut ad orgasticam eius commotionem ansam praebent, ut quaelibet spirituosam, vinosam, imprimis dulcia, carnes pingues, cerevicias saturatas, gelatinosa, farinacea, butyro fri-



xa, &c. cane peius ac angue fugiant. Spirituosa enim, ob partes sulphureas inflammabiles, insignem commotionem expansivam intestinam excitant, systolen cordis augent, ac sanguinis progressum per universum corpus admodum accelerant. Vina generosiora, exotica & dulcia, similem effectum exerunt; reliqua vero, ob acidum tartareum, coagulum sanguinis facile inducere possunt. Cerevisiae saturatae sanguinem inspissando vasaque obstruendo nocent. Loco horum potulentorum, quae, variis iam adductis modis humorum crasin ac motum turbando, plus noxae talibus ad haemoptysin dispositis subiectis adferunt, seligant potius vel simplicem aquam fontanam, vel *ptisanam* quandam, hunc maxime in modum parandam, pro potu ordinario: Rec. Hordei mundati, Rosar. ficcar. ana manip. ij. femin. Plantag. drachm. ij. M. coquantur in mensur. iv. aquae fontanae, factaque filtratione adde Sacchar. rosac. syrup. Rosar. solut. ana unc. j. Non minus quoque serum lactis, ob insignem virtutem abstergentem & temperantem, egregie iisdem conveniet. Si vero illud pariter, ac praedictam ptisanam, averfantur, tunc cerevisiae minus saturatae, tenues & bene defecatae, ipsis concedantur. Vinosa quoque interdum permitti possunt, si sufficienter cum aqua vel simplici, vel mitiori quadam minerali, diluuntur, & quidem speciatim vinum Rhenanum ac Mosellanum. Abstineant quoque ab usu decocti fabarum Coffee, ob irregulares, quas facile excitat, sanguinis commotiones, eiusque  
in



in locum potius substituant infusum theeforme, ex floribus Chamomill. vulg. summitat. Millefol. cort. Citr. & semin. Foenic. paratum.

## §. XIII.

Sedulo etiam porro sibi caveant talia subiecta ab omnibus *fortioribus commotionibus*, tam *animi*, quam *corporis*, ob inde emergentes suspectas organicas ebullitiones, ad quas vel praecavendas, vel tempestive etiam infringendas, optime ipsis conveniunt *nitrosa*, largiori etiam manu oblata & cum absorbentibus remixta, speciatim sequens talem in modum paratus pulvis antorgasticus, de quo subinde quoque praeservationis gratia, ante lecti introitum, scrup. j. vel dimidia drachma, cum aqua fontana, vel destillata quadam ex temperantium & refrigerantium classe, adsumi potest: Rec. Nitri depur. drachm. ij. Corall. rubr. ppt. Lapid. 69. citrat. Conchar. ppt. ana scrup. ij. M. D. ad Chart. Non minus quoque pro eodem scopo conveniunt *acidulata* temperata, Tincturae nempe Rosar. flor. Bellid. aut Papav. rhoead. tam praedictis Ptisanis, ad gratiam saporis, admiscendae, quam seorsim etiam quandoque, adiecto & soluto prius in iisdem pauxillo nitri, adsumendae. In *diaeta* vero similes fructus & succi vegetabilium, omniaque humectantia & olera recentia ac succulenta, parem effectum salutarem praestant.

## §. XIV.

Ad sanguinis quantitatem diminuendam ac derivationem impetuosioris eius affluxus a pectore ad



inferiores partes obtinendam, optime inprimis conveniunt *venaesectiones*, ter quaterue quotannis in pede instituendae, praemittendo infimul iisdem, & saepius etiam alioquin interponendo & repetendo, *pediluviorum* non nimis calidorum, sed temperaturarum usum, quae saltem cum fursuribus triticeis & floribus Chamom. vulgar. in aqua fluviali aut pluviali decoctis, parari possunt. Serio etiam insuper monenda sunt talia subiecta, ut, pro aver-tendis humorum ab inferioribus versus pectus facile contingentibus regurgitationibus, pedes a frigore probe defendant, omnesque transpirationis universalis turbationes, maxime repentinas, sedulo evitare studeant.

#### §. XV.

Ulterius quoque, scopo derivatorio, praeservatorie summo cum fructu *laxantia mitiora* sunt commendanda, quae sine eximia irritatione agunt, qualia inprimis sunt rhabarbarina & mannata, sequentem in modum in *potiunculae* forma exhibenda: Rec. Mannae elect. unc. ij. Rhabarb. elect. scrup. ij. Cremor. tartari drachm. j. Coquantur leni calore in aquae flor. Acac. unc. iv. vel v. Colaturae adde Elaeosachari Citri drachm. dimid. D. pro una dosi. Debilioribus solae conducunt passulae rhabarbarinae; succulentioris autem habitus subiectis exhiberi etiam potest sal Anglicanum, vel de Seignette, in aqua flor. Acaciae cum pulpa Tamarindorum solutum, ususque talium laxantium intra mensem semel vel bis repetatur.

#### §. XVI.



## §. XVI.

Cum porro quoque talia subiecta *spasticis stricture* saepius adficiantur, quae sanguinem ad pulmones validius congerunt, necesse hinc erit, ut tales tempestive mitigentur, relaxentur, & sic humorum circuitus aequalis conservetur. Convenit hunc in finem quandoque pulveres nitrosos, additis aliquot guttulis liquoris mineral. anod. cum aquis flor. Til. Chamom. Sambuc. &c. exhibere. *Diaeteticæ* autem suadenda sunt eiusmodi subiectis iuscula pingua, gelatinosa & mucilaginosæ, inprimis autem decocta avenacea, quandoque, si nimium inprimis urgeant tales spasmodicae stricture, cum oleo amygdalarum dulc. recenter expresso, in minus nauseosis subiectis, moderate remiscenda.

## §. XVII.

Maximum autem momentum praeservationis haemoptyscos in *conservatione toni & roboris naturalis pulmonum* positum est, cum alioquin satis laxum & tenerum sit hoc viscus, adeoque ab externis quibusvis iniuriis & violentiis prae omnibus reliquis facilius adficiatur & laedatur. Probe ergo ii inprimis, qui vel ex dispositione haereditaria *connatam*, aut ex aliis causis praegressis *acquisitam* habent *pulmonum imbecillitatem*, sibi cavere, aut ad minimum temperare debent, ab omnibus iis, quae, nimium & diutius distendendo vesiculas pulmonales, universam non solum eorum substantiam membranaceam insigniter debilitare, sed & subsequenti-  
bus violentis vasorum extensionibus & perruptioni-



bus ansam praebere valent, veluti sunt intensiores clamores & vociferationes, aut saltem etiam intensior nimisque diuturna fermocinatio, onerum graviorum elevatio & gestatio, sub qua spiritus plerumque diutius intra pulmones cohibetur, iidemque expansi tenentur; item nifus fortiores, ad excludendum foetum sub partu difficili, aut expellenda scybala indurata, directi, validiores instrumentorum musicorum, speciatim tubarum, inflationes, & similia. Haec enim singula dum magis magisque omitunt, & quietem pulmonibus subinde concedunt, insimulque sub urgentiori necessitate moderatum sacchari myrrhati & infusorum theeformium traumaticorum usum interponunt, optime deficiens forsitan pulmonum robur instaurare, sicque metuendos tam primos insultus, quam novos recurfus periculosaе huius haemorrhagiae, securissime avertere & praecavere possunt.

#### §. XVIII.

Quum autem porro etiam tam *hypocondriacis*, quam *hystericis* perquam familiariter evenire soleat *haemoptysis*, inprimis *periodica*, paucis idcirco etiam adhuc indicandum erit, qua ratione & in iis obtinenda sit praeservatio. *Hystericæ* ergo dum ob mensium plerumque suppressionem, & hinc factam sanguinis regurgitationem versus superiora, consueto alias menstruo tempore huic affectui non raro obnoxiae redduntur, omnium optime eundem avertere possunt V. Sne paulo largiori, ultimis ante hunc terminum diebus, praemissis aliquoties  
pedi.



pediluvii, in inferioribus artubus instituta, coniunctis simul remediis internis temperantibus & antispasmodicis, blandisque resolventibus & laxantibus. Cane vero & angue peius fugiant tales foemellae, tunc maxime temporis, omnia emmenagoga, utpote humorum massam ordinarie magis commoventia & fonticam istam excretionem potius accelerantia, itemque, si forsitan haemoptysis erumpat, validiora adstringentia & anodyna, quibus menstrui fluxus suppressio magis obfirmatur, istaque per pulmones contingens vicaria haemorrhagia non raro gravius exacerbatur & pertinacior redditur.

## §. XIX.

In *hypochondriacis* si forsitan metuenda fuerit haemoptysis, difficiliori potissimum & impedito sanguinis progressui per viscera abdominis, eiusque a spasmis ibidem vigentibus inductae regurgitationi versus superiora, culpa erit tribuenda, quae pariter quoque occurrit, si vel molimina haemorrhoidalia incongrua medendi ratione turbantur, vel ipse talis fluxus quacunque ex causa repente suppressitur. Optime ergo tunc, praesente forsitan qualicunque dispositione, haemoptyicae praecaveri possunt perruptiones, si, praeter ordinariorum antispasmodicorum usum, alvinae inprimis excretionis successus debite adiuvatur & promovetur, tum internis laxantibus mannatis & rhabarbarinis, tum potissimum clysteribus lenientibus & carminativis, subiungendo simul frequentiore usum pediluviorum



rum & consuetas tempestive repetendo V. Snes. Cavendum autem quam maxime erit, sicuti in genere sub hypochondriaco statu, ita potissimum sub hac simul coniuncta dispositione, ab omnibus calidioribus carminativis & stomachicis, itemque anodynis, ne maior motuum concitetur turbatio & facilius suspecta illa vicaria acceleretur excretio.

§. XX.

Haemoptysin excipit nunc *Vomica*, utpote alioquin etiam ex illa originem ducens. Intelligimus autem sub hac denominatione abscessum in pulmonibus generatum, peculiari quadam tunica inclusum, modo in superficie, modo in interiore substantia huius visceris haerentem, & ruptura tandem subsequente in verum ulcus plerumque abeuntem.

§. XXI.

Patet igitur exinde, parum omnino discriminis inter *vomicam* & *phthisin* intercedere, imo facilimo negotio, quod saepius etiam contingit, illam in hanc degenerare posse. Tamdiu enim vomicae titulum gerit quilibet pulmones occupans abscessus, quamdiu propriis adhuc terminis & membranis vel capsulis coërcetur, nec corruptionem suam latius diffundit, aut praetereuntibus communicat humoribus: Quamprimum autem, successive erosa pulmonum substantia, introrsum perfrumpit, collectaque purulenta materia, transitum intra bronchia inveniens, maxima ex parte quidem reiicitur, cavitas vero, eandem antea includens, nec mundificatur, nec conso-



consolidatur, certissimus tunc fit transitus in *phthisin*, quemadmodum, si extrorsum perforatis pulmonibus in ipsam pectoris cavitationem pus effunditur, *empyema* inde prognascitur.

§. XXII.

*Causam* singularis talis apostematis *proximam* ordinarie constituit *stasis* portionis cuiusdam sanguinis extravasati, intra *vesiculam* aliquam *pulmonalem* facta, quae, pro diversa circumstantiarum ratione, modo celerius, modo tardius in suppurationem transit, factaque successiva minimorum adiacentium vasorum erosione, indeque contingente ulteriori lenta humorum transcolatione, etiam in copia notabiliter quandoque augetur. *Antecedentium* autem *causarum* vices, in producendo hoc affectu, communiter gerunt, tum *haemoptysis* praegressa & per adstringentia subito cohibita, tum aciores caustici, *arsenicales* aut *mercuriales vapores*, improvide sub inspiratione hausti & ad interiora pulmonum delati, itemque *celeriores cursus*, ad respirationis fere interceptionem usque continuati, cum subsequente *repentina corporis refrigeratione*, ac denique *externae violentiae*, per lapsum, ictum ac qualemcunque graviolem contusionem pectori illatae.

§. XXIII.

Cum ergo facilis sit illius Vomicae praeservatio, quae ex modo enumeratis ultimis tribus causis externis originem trahit, dum saltem in provida earundem evitatione consistit; hinc paucis modo indicandum erit, qua ratione occurrere liceat, si ex

D

haemo-



haemoptysi, per adstringentia praemature cohibita, forsitan sit metuenda. Eo igitur quam maxime adlaborandum erit, ut sanguinis illa portio coagulata & extravasata, quae tali ratione intra substantiam pulmonum inclusa haeret, tempestive removeatur & abstergatur, antequam in suppurationem transeat, id quod optime impetratur, temperatis solventibus & expectorantibus coniunctim exhibitis, in forma infusorum theeformium, ex radicibus Helen. Pimpin. alb. Carlin. Liquirit. herb. Marrub. alb. Veron. flor. Arnic. Salv. &c. parandis, ac paulo diutius continuandis, interpositis etiam pulveribus, ex Succin. ppt. Lapid. 69. citr. rad. Ari, Helen. Sperm. ceti & Sacch. Canar. compositis, subiungendo, pro obtinenda simul derivatione, tum laxantia, tum V. Snem, cum frequentioribus pediluviiis, omnemque impetuosiores commotionem humorum organica sedulo evitando. Quodsi autem post praegressas exanthematicas febres, a restitente forsitan & circa pulmones adhuc haerente miasmate acriori caustico, Vomicae metuatur proventus, quod imprimis in infantibus post variolas minus rite decurrentes evenire solet, tunc ea omnia observanda & in usum vocanda erunt, quae superius in §. VI. commendata prostant.

#### §. XXIV.

Excipit tandem ultimus communium pulmonum morborum, isque, si incrementa maiora iam sumsit, imprimis perquam refractarius & prorsus saepe incurabilis, adeoque tanto maiori cum cura  
tempe-



tempeſtiva praefervatione avertendus, *phthiſis* nempe, quae proprie conſtituit ulcerofum pulmonum adfectum, a ſtaſi ſanguinea ibidem facta & in corruptionem deducta originem trahens, corporisque univerſalem contabefcentiam ſucceſſive tandem inferens.

### §. XXV.

Si in ullo unquam morbo tempeſtiva opus eſt praefervatione, certe eam requirit ulcerofus talis pulmonum ſtatus, non quidem repente invaleſcens, ſed tacitis magis greſſibus incrementa ſua ſumens, hac ipſa autem ratione ita demum invaleſcens, ut omnem tandem curationem prorsus reſpuat, adeoque merito omne eo dirigendum eſt ſtudium, ut prima ſtatim eius evertantur fundamenta, antequam ad maius evehatur faſtigium, plenariamque oeconomiae animalis deſtructionem inferat. Ob diverſitatem autem cauſarum antecedentium, quas ipſi etiam alii praegreſſi pulmonum morbi conſtituunt, vario modo adornanda eſt eius *praefervatio*. Si igitur ex *peripneumonia* aut *haemoptyi* praegreſſa qualiscunque in pulmonibus relicta videatur laeſio, ſubſecuturae demum *phthiſi* viam pandens, tunc eo quam maxime invigilandum eſt, ut partim ulteriores novae verſus hoc viſcus contingentes congeſtiones intercipientur, & ſuſpectus maior humorum affluxus aliorſum ab eo deriveetur; partim laeſio ipſa tempeſtive abſtergatur & ad conſolidationem deducatur, ſimulque tonus pulmonum, admodum plerumque debilitatus, convenienter inſtauretur & roboretur.



## §. XXVI.

Ad priorem ergo scopum obtinendum, praeter dietam congruam & temperatam humectantem, exclusis omnibus acrioribus aromaticis, itemque potulentis saturatioribus & vinosis, quam maxime conveniunt blanda laxantia, praesente inprimis alvi segnitie subinde repetenda, itemque V. Snes, secundum conditionem virium aegrotantium gradumque plethorae adornandae, & saepius vel rarius iterandae, subiuncto simul, itidem pro harum circumstantiarum ratione, conveniente placido, aut paullo auctiore corporis motu, pro obtinenda magis aequali sanguinis per universum corpus distributione, & concurrentium plerumque infarctuum, circa abdominis viscera haerentium, refectione. Hanc enim ob causam dubio procul iam olim, a CELSO inprimis, *Lib. III. cap. 23.* phthificis ipsis, non nimium obfirmatis, *navigatio*, & a SYDENHAMIO *Opusc. p. 521. & 781.* equitatio, curatorio scopo, eximie commendata fuit, manifesto sane argumento, quod tanto magis quoque praeservatorium effectum a congruo qualicumque corporis motu expectare liceat. Conf. Programma Illustr. b. m. STAHLII, *de novo specifico antiphthifico, equitatione*, Dissertat. quae *Pathologiae fundamenta practica* sistit, subiunctum, & Illustr. Dn. PRAESIDIS Dissertat. *de commodis & incommodis equitationis, in hominum sanitatem redundantibus.*

## §. XXVII.

Pro abstersione autem & consolidatione relictæ forsitan in illis morbis qualiscunque pulmonum laesionis,



fionis, praeter *infusa theiformia*, ex mitioribus solventibus & traumaticis ac balsamicis vegetabilibus paranda, atque cum saccharo myrrhato edulcoranda, egregium inprimis usum praestabit *lac*, tam *humanum*, quam *asininum* & *caprillum*: Istud nempe, ob indolem & qualitatem humoribus nostris magis iam homogeneam; illud, ob minorem terrearum crassiorum ac mucidarum, paullo copiosiore vero salinarum fixiorum partium quantitatem, & hoc denique, ob teneriorem pariter consistentiam, & parciolem crassiorum pinguium & terrearum partium copiam. Prius horum, si a nutrice iuniori & sana obtineri potest, solitarie exhibetur, interpositis praedictis infusis; asininum optime cum Selterana miscetur aqua, & caprillum vel cum flor. Rosar. & Papav. rhoead. decoquitur & addito saccharo rosaceo edulcoratur, vel infusis abstergentibus & traumaticis adfunditur. Semper vero paulo diutius continuandus, &, si circumstantiae permittant, vernali aut aestivali magis tempore suadendus est lactis usus, praemittendo non solum, sed & subinde interponendo eidem blanda laxantia, & coniungendo aptam dietam, ab omnibus acrioribus, nimium salitis, acidis, dyspeptis, &c. liberam.

### §. XXVIII.

Quum autem illis subiectis, quae magis cholericis sunt temperamenti, ob acrimoniam biliosam excedentem, vix unquam conveniens deprehendatur lactis usus, ideo eius in locum iisdem potius *ferum lactis*, tam *dulce*, quam leniter *acidulum*, sua-



dendum erit, ob similem egregiam, quam praestat, tam involventem & temperantem, quam abstergentem efficaciam, ita quidem, ut vel pro potu ordinario illud bibant, vel ad minimum matutinis & pomeridianis horis dimidiam eius mensuram adsumant, observatis simul reliquis circa lactis usum iam commendatis regulis. Similem quoque salutarem effectum praestant *iuscula medicata*, cum radicibus Cichor. Scorzoner. Pastinac. Petrosel. Apii, & herbis Endiv. Fragar. Chaerefol. Matrifylv. Hed. terrestr. &c. leniter decocta, quibus etiam coniungi aut interponi possunt mixturae blande resolventes, ex Liqu. terrae fol. tart. Tinct. sal. tart. Ess. Pimpin. alb. & spir. Nitr. dulci, itemque pulveres, ex Succin. ppt. Lap. 69. citrat. Corall. r. ppt. Sacch. lactis & Nitro, constantes. Quae tandem pro roborando tono pulmonum conveniunt, ea superius iam (§. XVII.) notata prostant.

#### §. XXIX.

Praeter hos vero in ipsis pulmonibus occurrentes morbos, non raro etiam alii, perniciosas stagnationes, stases & infarctus in eodem illo viscere producendo, phthisin excitare valent, veluti sunt affectus male tractati, turbati, aut retropulsi, rheumatici, arthritici, podagrici, scabiosi, ulcerosi, veneri, scorbutici, &c. quorum pariter in praeservando hocce morbo debita habenda est ratio. Quod si ergo in iunioribus praecipue subiectis, ex perverso illorum decursu, pathemata quaedam circa pectus occurrant, principaliter quidem eo erit adnitendum, ut pristini illi turbati revocentur morbi,

reme.



remediisque convenientibus & adpropriatis tractentur; hoc vero si impetrari nequeat, tunc suppetias adhuc ferre licebit, congestiones impetuosiores humorum a pectore derivando, laxantibus, clysteribus, vesicatoriis, pediluviiis, & venaesectionibus; spasmos temperantibus & lenientibus relaxando; ac retropulsi acrioris feri, circa pulmones iam iam haerentis, remotionem, per leniter auctam & in successu suo conservatam transpirationem & diuresin, adiuvando.

### §. XXX.

De reliquo omnes ii, qui vel ob morbos modo allegatos, vel ob haereditariam dispositionem aliasque causas ad phthisin inclinant, aut in primo huius affectus gradu, facile adhuc emendando & removendo, constituti sunt, exactam observent *dieta*m, probeque considerent, quod vel sola haec maximam fere praeservationis partem absolvat. Evitent idcirco omnes cibos dyspeptos, viscidos, crudos, austeros, acidos & muriaticos, itemque potulenta similia, fermentescentia, acescentia, cerevisias crassas, minus defecatas, vina generosiora & quaelibet spirituosas, utpote humorum massam magis inquinantia & ad facilius subeundas stagnationes, stases, corruptiones & orgasticas ebullitiones disponentia. Seligant e contrario cibos molles, evpeptos, lubricantes, olera molliora, non nimis flatulenta, carnes caponum, gallinarum, perdicum, vitulorum, agnorum, & iuscula cum cancris fluviatilibus parata, nec non potulenta tenuiora diluentia, aquam simplicem puram, vel temperatam mineralem, aut ptisanas.



nas. Fugiant porro frequentiores & impetuosiores animi & corporis commotiones aëremque impurum, nebulosum, frigidiorum, & imprimis borealem, aut vaporibus putridis, saturninis & arsenicalibus inquinatum, sique loca talia insalubria mutare licet, in tractus elatiores & magis piniferos, ubi aër resinosis particulis impraegnatus est, concedant, vel, si circumstantiae id non permittant, arte talem sibi procurent aërem, accensis lignis resinosis ac piceis, vel thure, mastiche, benzoe, aliisque id generis, aut herbis etiam odoratis hinc inde per conclavia dispersis. Inde namque olim, teste GALENO, *Method. med. Lib. V. cap. 12.* qui Romae fiebant phthifici, ad *Tabias* navigabant, ut ad Vesuvii, flammam perpetuas evomentis, exhalationes propius accederent. Inde etiam in Lusitania, notante ZACUTO, *Prax. admir. Lib. II. Cap. 10. Obs. 2.* phthifici communiter *Palmelam*, oppidum amoenum ac fertile, in cuius circuitu piniferarum arborum plurima est copia, non sine insigni emolumento transferebantur; immo inde denique est, quod Angli, si phthisi corripiantur, hodie adhuc plerumque Galliam petere soleant, referente iam olim WILLISIO, *Pharm. rat. Part. II. Sect. I. Cap. 6. p. 53. & 76.*

## SECTIO POSTERIOR

de

*praeservandis morbis pulmonum propriis.*

§. I.

Sicuti haëtenus considerati communes pulmonum morbi ex similibus causis etiam aliis visceribus familiares deprehenduntur, & principalem huius organi functionem

secun-



secundario saltem laedunt: ita sub titulo *morborum pulmonum propriorum* non nisi illos intelligimus, qui ex causis quidem communibus, alios itidem morbos inducentibus, producuntur in pulmonibus, sed quorum formalis ratio in laesione principalis actionis eorundem, seu respirationis, unice consistit, utpote quam directe magis & primario turbant, talesque hinc sunt *tussis*, *dyspnoea*, *asthma* & *catarrhus suffocativus*.

## §. II.

Levissimum horum adfectuum, intuitu periculi, simulque magis universalem, cui omnes fere homines, nostro imprimis sub climate, cuiuscunque aetatis, sexus & temperamenti, saepius subiiciuntur, aut simul quoque diuturniore sua duratione summe molestum, constituit *tussis*, quae proprie est valida, inaequalis & sonora aëris, prius inspirati, e pulmonibus expulsio, cum nisu ad reiiciendam materiam quandam, vel in ipso hoc viscere, vel in aliis cum eo consentientibus, haerentem, coniuncta, & ab irritatione interioris membranulae, asperam arteriam investientis, producta.

## §. III.

Quoniam ergo materia, irritationem talem efficiens, non semper in pulmonibus haeret, adeoque hoc viscus non semper immediate, sed quandoque etiam per consensum adficitur, & quidem frequentissime, dum primum illius focus modo ventriculus, modo hepar, modo etiam alia abdominis viscera, constituunt; idcirco merito tussis in *pectoralem* & *abdominalem* dispescitur, quae ultima dein, pro partium primario adfectarum diversitate, vel *stomachalis*, vel *hypochondriaca* audit. Ipsa vero dein pectoralis, cum porro vel solitarie, sine alio



quodam morbo, occurrat, vel cuidam ex communibus pectoris adfectibus infimul iuncta sit, vel quandoque catarrhis accedat, propterea in *idiopathicam* & *symptomaticam* distinguitur. Ultima ergo haec, itemque antea nominata *abdominalis tussis*, cum nulla alia ratione possint praeservari, quam qua ipsi affectus, quos ceu ordinarium symptoma comitantur, alias arcentur, merito hinc easdem iam mittimus, & saltem, qua ratione *pectoralis idiopathica* possit evitari & praecaveri, iam indicabimus.

§. IV. Habet vero haec vel manifestam, liberiores & satis quandoque copiosam expectorationem materiae crassae & mucidae coniunctam, vel sine eadem, aut cum molestissima & admodum pauca materiae serosae & falsae reiectione, occurrit, indeque in *humidam* & *siccam*, seu *ferinam*, iterum dividitur. Utraque ergo pro *caussa proximiori* agnoscit congestionem stagnatoriam humorum vel pituitosorum, vel seroso-lymphaticorum acriorum, qui, ob neglectas, turbatas & impeditas alias excretiones, maxime V. Snes, sudores & alvi deiectiones, magis accumulantur & versus pulmones transferuntur, aut sub catarrhali quodam decubitu copiosius eo descendunt, tantoque diutius praedictam illam congestionem sustentant, quo maior iam adest pulmonum imbecillitas, vel ab aëris frigido-humidi intemperie, vel ab expectorantium iam adhibitorum abusu, vel ex ipsa subiectorum constitutione, inducta.

§. V. Tota igitur *praeservatio utriusque* huius *tussis* nititur partim tempestiva derivatione incongrui illius adfluxus humorum a pectore, partim remotione abundantium istarum crassiorum aut acriorum impuritatum, partim denique roboratione toni pulmonum imbecillioris. Hinc ante omnia consuetae debito tempore iterandae sunt

V. Snes,



V. Snes, primae viae iūbinde pilulis tartareis, de Succino Cratonis, aliisque, itemque balsamicis, a sordibus ibidem collectis repurgandae, successus transpirationis, in siccioribus subiectis, adiuvandus infusis theeformibus & pulveribus fixis diapnoicis, in humidioribus temperatis Essentiis resolventibus & alexipharmacis, quibus, pro roborando pulmonum tono, interdum Essentiae Cascar. & Succini admisceri possunt, cavendo simul probe ab abusu dulcium, pinguium, humectantium & expectorantium.

§. VI. Omnem autem fere paginam, in praeservandis molestis hisce adfectibus, absolvit congrua *diaeta* debitumque *regimen*. In victu ergo moderatio servetur, omniaque crassa, dyspepta, fumo indurata, sale condita, leguminosa, mucilaginoso & acida fugiantur, & in dispositione ad humidam tussim, carnes magis assae, non nimis pingues, cum pane biscocto, praeferantur, coniungendo modicum vini Mosellani vel Rhenani usum; sub cholerico autem statu, & inclinatione ad siccam tussim, alimenta magis demulcentia, humectantia, elixa, gelatinosa, seligantur, interponendo diluentia & magis aquea potulenta, inprimis Selteranam aquam, parcius cum vino Mosellano interdum remiscendam, quandoque etiam matutinis horis cum lacte bibendam. Regimen, quantum quidem possibile est, temperatum observetur, pedes inprimis & pectus a frigore probe defendendo, aëremque non solum intemperatum fugiendo, sed repentinas etiam caloris & frigoris vicissitudines evitando, utpote quae non solum graviter humorum turbant circulum, sed etiam ad pertinaciores tales congestiones, translationes & secessiones seroso-lymphaticas & mucidas, occasionem praebent frequentissimam.



§. VII. *Dyspnoea* & *asthma* unum fere eundemque, sed gradu saltem vehementiae distinctum, constituunt adfectum. Illa enim est difficultas respirandi, quae sub quiete corporis plerumque mitescit & fere evanescit, sub auctiori autem eius motu, vel sub morborum, quibus ceu symptoma iungitur, exacerbatione, magis semper ingravescit. Pater hinc, *dyspnoeam* modo *idiopathice* occurrere, atque tunc maxime ab humorum circa pulmones copiosiore congestione & difficiliore transitu, vel qualicunque etiam huius visceris cum pleura concrezione, originem ducere; modo *symptomatice* evenire, quo respectu non solum in omnibus superius descriptis communibus pulmonum morbis, itemque in leviori anginae gradu, notatur, sed & hydropicis, tympaniticis ac hypochondriacis ordinarie familiaris est, tuncque nullam peculiarem admittit praeservationem.

§. VIII. *Asthma*, est continua, frequens & gravis respirandi difficultas, cum sibilo, aut rhoncho, quandoque etiam tussi coniuncta, modo ab atonia, modo a rigidiores spastica contractione organorum pnevmonicorum, modo etiam ab obduratione bronchiorum, per humores ibidem haerentes tenaces & viscidos, inducta. Pro harum ergo proximarum caussarum diversitate omne asthma est vel *defectivum*, quod strictius pulmonibus competit, & ab eorum nimia relaxatione, modo cum, modo sine humore mucido ibidem haerente, dependet, hincque aut *siccum*, aut *humidum* evadit; vel est *spasticum* aut *convulsivum*, a rigida & validiore musculorum respirationi inservientium tensione dependens, hincque non tam *pulmonum*, quam potius *pectoris morbum* constituens.



§. IX. Quod ergo utriusque huius affectus *praeservationem* attinet, ex modo adductis pathologicis circumstantiis facile liquet, tam *dyspnoeam*, quae a congestione nimia & difficiliore transitu humorum per pulmones oritur, (quae enim concretionem huius visceris cum pleura pro causa agnoscit, nullam plane praeservationem admittit, praeter eam, quod infantes in prima aetate non nimis diu in uno latere gestandi, aut decumbentes relinquiendi sint;) quam *asthma defectivum*, *siccum* aequae, ac *humidum*, easdem cum *tussi* tam *sicca*, quam *humida*, utpote cui saepius etiam succedit, agnoscere causas, eandemque idcirco postulare praeservandi methodum. Hinc unice in iis subiectis, quae qualemcunque, maxime intuitu habitus corporis, ad tales adfectus monstrant dispositionem, consuetae sanguinis ventilationes, tam per V. Snem, quam scarificationem, nunquam negligendae, sed debitis temporibus sedulo repetendae sunt, promovendo simul & conservando legitimum alvi succellum, & idcirco subinde laxantia, cum temperatis resolventibus iuncta, exhibendo, omniumque maxime transpirationem quovis modo adiuvando, eaque omnia fugiendo, quae graviores eidem turbas inferre, aut etiam praesentium qualiumcunque exanthematum, maxime scabiosorum & ulcerosorum, retropulsionem accelerare possunt. Reliqua ad *roborationem debilitati pulmonum toni* spectantia, ipsamque *diaetam* concernentia, cum iis conveniunt, quae iam iam §.V. & VI. huius Sectionis indicavimus.

§. X. Quum etiam tandem *catarrhus suffocativus* plurimum adfinitatis cum *asthmate humido* habeat, illudque non nisi gradu vehementiae & periculi exsuperet,



dum in subitanea pulmonum oppletionem, ab humoribus seroso-lymphaticis mucidis, in copia versus pectus irruentibus, coniuncta manifesta huius visceris & musculorum pectoralium atonia, consistit; hinc eadem omnino, quae in §. praeced. monita fuerunt, circa eius praeservationem notanda & observanda erunt, quarum taedio-  
sa repetitione merito idcirco supersedemus, velaque contrahendo tractationi huic nunc imponimus

F I N E M.

## NOBILISSIMO CANDIDATO

S. P. D.

IO. GOTTLOB KRÜGER.

**O**pportunam gratulandi occasionem laetus arripio, eoque maiori, id praesto officium, gaudio, quo certior sum, non digniores esse MACHAONIS discipulos, quam qui EVCLIDIS fuerunt. Sapienter hanc sanctam olim a Graecis sapientibus legem observasti, NOBILISSIME CANDIDATE, & fecisse TE hoc optimo TVO emolumento certissime persuasus sum. Quanta enim sit matheseos in arte salutari ad mathematicae, hoc est summae cognitionis gradum, evebenda necessitas, BORELLI, HALESI, aliorumque immortalia opera loquuntur. Sed concedamus, quod concedi non potest, nullum dari inter mathematica & medicinam, doctrinas si respicias, nexum, manebit tamen firma & inconcussa methodi mathematicae in arte salutari utilitas. Curationes ab indicationibus, indicationes a Medici meditatione pendent. Meditatio habitum meditandi supponit, qui non nisi crebro exercitio acquiritur.

Quis



*Quis vero plura, quis meliora & omnibus numeris absoluta meditationis specimina dedit Geometris & immortalis EVCLIDE? Bene igitur & laudabiliter egit MAXIME REVERENDVS PARENS, quod a primis, ut loquuntur, unguiculis Euclidean illa arte TE imbui curavit, quam postea me duce magis perficere, atque ad naturae sacra explicanda applicare TIBI placuit. Gratulor hunc optimum studiorum academicorum ordinem, gratulor stadium illorum, periculis vitae academicae evitatis, feliciter absolutum, gratulor honores academicos a Gratioſo Medicorum Ordine conferendos, & ex animo apprecor, ut in exercenda praxi eadem TIBI felicitas contingat, quae EVCLIDI in demonstrando contigit, hoc est, vera & rationibus solidis innixa. Vale & me, si non male de TE meritus sum, amare perge. Dabam in Fridericiana, d. VI. Decembr. MDCCXLIX.*

---

**Mein** Sohn! Du weißt es noch wie sehr ich mich betrübet,  
Da Du die Nachricht schriebst: ich werd ein Medicus.  
O dacht ich Schmerzensvoll, mein Sohn! den ich geliebet,  
Umsonst gehabte Müß! wird kein Theologus.  
Indessen preiß ich nun der höchsten Weisheit Güte,  
Samt Deines würdigen und großen Lehrers Fleiß,  
Der Dich gelehrt, wie man die Kranckheit in Geblüte  
Mit Klugheit und Verstand geschickt zu heilen weiß.  
GOTT kröne Ihn dafür mit Segen aus der Höhe!  
Du aber, liebster Sohn! betritt die Ehren-Bahn  
Mit Gott. Und wilst Du, daß ich Freude an Dir sehe,  
So nimm den schönsten Arzt, der Seelen Heyland an,  
Und lerne stets von Ihm. Alsdenn will ich mich freuen;  
Alsdenn so wird Dir erst die Praxis wohl gedenen.

Dieses schreibet Dein treuer Vater

Halberstadt, den 28. Nov. 1749.

J. H. Lucanus.



Freund! weil mich die Zeit heist eilen,  
Wünsch ich in acht kurzen Zeilen  
Was man Freunden wünschen kan:  
Nimm zu Deines Fleißes Lohne  
Die verdiente Lorbeer-Krone  
Aus Hygæens Händen an.  
Der schönen Gnade, Glück, und künftig reiche Krancken,  
Hast Du dem Doctor-Hut und Deiner Kunst zu danken.

Halle, den 6. Dec. 1749.

Hiermit wolte seine Ergebenheit gegen  
den Herrn Doctoranden bezeugen,

GEORGIUS ZACHARIDES,  
der Arzneygelahrheit Beflissener.

---

FRATRI SVO PERDILECTO  
C A N D I D A T O

SVPREMIS HONORIBVS DIGNISSIMO,

S. P. D.

IO. GODOFREDVS HENRICVS LVCANVS,

Magdeb. S. S. Theol. Stud. Opponens.

*Exantlatis tandem studiis TVIS academicis, laurea do-  
ctoralis, ob eximios in liberalibus artibus, & praecipue  
salutari, Medicina nempe, profectus, iure TIBI nunc imponi-  
tur. Specimen quoque egregium eruditionis TVAE, in Dis-  
sertatione, cuius solus Autor es appellandus, edidisti. Ma-  
te igitur doctrina & ingenio, cathedram ascende, hancce  
defende & tela Opponentium TVORVM doctissime retorque!  
Gratulor itaque TIBI diem Disputationis solemnem. Gra-  
tulator felices, quos praevideo, successus. Gratulor denique  
honorem doctorem. Velit autem Numen supremum, quod  
supplex veneror, huic actui cunctisque conatibus TVIS in-  
posterum favere ac benedicere, eosque ad sui Nominis glori-  
am, ad TVAM & aliorum, praesertim multorum aegrotan-  
tium, salutem dirigere. Vale, meque TVO fraterno amore  
amplecti perge! Dabam Halae d.V. Dec. MDCCXLIX.*